

## READING

## 1. Read this story and answer the questions below.

كان يا ما كان بقديم الزمان كان في واحد عربي سافر لإنكلترا. هذا الشب ما كان بيعرف اللغة الأنكليزية و ما بيقدر بيحكي انكليزي أبداً بس بالرغم من هالشي سافر لإنكلترا. بعد ما وصل بشي يوم يومين حس حاله جوعان كثير و بده ياكل. راح عالمطعم و قعد عالطاولة. الكارسون أول ما شافه اجى لعنده و عطاه لسته الاكل منشان ينقي شو بده ياكل.

بس مسكين ما بيعرف منوب يقرا انكليزي و ما بيعرف يحكي و هيك قال لحاله "شو بدي اكل؟ شو بدي ساوي؟" اخر شي قرر يحط يده على اطول كلمة، بجوز هالكلمة تكون كلمة لشي اكلة طيبة. حط يده على كلمة "زيتون". بس هو ما بده ياكل زيتون، و هو جوعان كثير بده ياكل اكل طيب مثلاً لحمة مشوية و بطاطا مقلية بس مو زيتون، بس كمان ما بيقدر يختارهن لانه ما بيعرف انكليزي. بلش ياكل هالشب بعد شاف جارتته يلي قاعدة عالطاولة الثانية. جارتته كانت عم تاكل اكل طيب كثير. قال لحاله "اه، يا ريت اعرف شو عم تاكل جارتتي" فجأة، خلصت جارتته صحنها و نادت الكارسون و قالت له "more please". الشب سمع شو قالت جارتته و فكر انها عم تاكل شي اسمه "more". انبسط كثير و قال لحاله "الحمد لله، هلق صرت بعرف شو عم تاكل جارتتي". بسرعة نادى للكارسون و قال له "more please". بس الكارسون جاب له كمان زيتون. زعل كثير و قال للكارسون "ليش more جارتتي مو مثل more؟"

## الأسئلة

- ١ شو مشكلته بالمطعم؟
- ٢ كيف طلب الاكل؟
- ٣ ليش قال للكارسون "more please"؟
- ٤ جاب له الكارسون الاكل يلي جارتته كانت عم تاكله؟

## 2. Read this story and answer the questions below






مرة كان في واحدة قاعدة عالطاولة. بيدها ورقة و قلم و كانت عم تفكر كثير. اجت رفيقتها و شافتها قاعدة قدام الطاولة. قالت لها "شو عم تساوي هون قدام الطاولة؟" جاوبتها "عم اكتب رسالة. ليش؟ شو بدك؟ بدك شي مني؟ ليش عم تسأليني؟" قالت لها "لا، لا ما في شي ضروري بس بدي اسألك بدك تشربي شاي او قهوة او عصير معي؟" قالت لها "لا أنا مشغولة كثير. ما فيني اشرب شي معك." قالت لها رفيقتها "ايه، بس أنا ساويت لك قهوة. ما بدك تشربي قهوة بس خمسة دقائق؟ هيك منحكي سوا." قالت لها "طيب ماشي الحال، يسلموا ايديكي." جاوبتها رفيقتها "الله يسلمك." و بعدين شربوا قهوة سوا.

سألته رفيقتها "لين عم تكتبي رسالة؟" "عم اكتب رسالة لجاتي. سافرت من سنة او سنتين و لسا ما كتبت لها رسالة." سألته رفيقتها "انتي بتعرفي عنوان جارتك؟" جاوبتها "بالحقيقة أنا كنت بعرف عنوان جارتني بس ضيعته." سألته رفيقتها "شلون بدك تبعتي لها رسالة إذا ما بتعرفي عنوانها؟" جاوبتها "مضبوط، الحق معك، أنا بعرف انه العنوان ضروري كثير كثير منشان هيك كتبت لها بأول سطر برسالة انه تبعت لي عنوانها بأسرع وقت ممكن..."

## الأسئلة

- ١ شو كانت عم تعمل؟
- ٢ شو كان بدها رفيقتها؟
- ٣ ليش ما كان عندها عنوان جارتها؟
- ٤ كيف كانت رح تبعت الرسالة بدون العنوان؟

3. Write the letter of the advertisement next to the picture it represents. Remember that newspapers are written in Modern Standard Arabic. How much information can you extract from each advertisement from your knowledge of roots and a little guesswork?



للبيع بيرجو ٥.٤ موديل  
١٩٧٤ بحالة جيدة جداً لون  
زيتي بسعر ٢٥٠٠٠٠٠٠،  
هاتف ٩١.٣٤٨٧

a.

للبيع كاميرا فيديو JVC  
حديثة ٨ م م بسعر ٢٠٠٠٠٠٠٠،  
هاتف ٩٩٢٧٤٥٦

b.

للبيع كومبيوتر شخصي  
امريكي لرجال الأعمال مع  
حقيبة، موديل ١٩٩٦/١٩٩٥،  
هاتف ٨٧٧٢٥٣٣

c.

للبيع بدلة زفاف قياس ٣٣،  
شك يدوي، هاتف ٦٦٦٩٣.٨

d.

للبيع منزل في المزة الشرقية  
مساحة ٨٧ و ٢ ٣ غرف ط ٤  
تدفئة مركزية بسعر ٤ مليون  
هاتف ٦٦٢٧٨٩٠

e.

للإيجار السياحي شقة مفروشة  
٣ غرف في دمشق القديمة ط ٢  
تدفئة مستقلة مكيف، ٢٢٠٠٠٠٠  
شهرياً، هاتف ٦٦٥٩٨.٩

f.

مطلوب معلم حلاقة رجالي  
خبرة لا تقل ٣ سنوات و العمر  
لا يقل عن ٢٥ سنة، العمل في  
الجرس الأبيض، هاتف ٢١.٣٤٩٨  
(١-٤)

g.

مطلوب سكريرة تجيد اللغة  
الإنكليزية و المراسلات  
التجارية و العمل على  
الكومبيوتر للعمل بدوام كامل،  
هاتف ٦١٣.٩٧٠

h.